

四庫全書

子部

欽定四庫全書

子部
通雅卷
六五

詳校官中書臣朱文翰

員外郎臣牛稔文履勘

總校官降調編修臣倉聖脉

校對官中書臣王璜

謄錄監生臣藍嘉璠

欽定四庫全書

通雅卷五

明方以智撰

釋詁 古鳥

淑離言獨善也

橘頌篇曰淑離不淫梗其有理兮注

淑善也離離立猶孤特也梗強也智以梗為橘梗解為強者非

洒濳治路也

漢律曰及其門首洒濳說文濳所以壅

水山責切孫恂收入陌韻毛黃皆畧之

冰衿猶言冷也 世說曰郗鑒欲規王導意滿口重言
殊不流王勸郗莫談郗大瞋冰衿而出樂預傳人笑褚
公至今齒冷雲臯書冰衿齒冷正用此

搏擻搨持也

孫臏傳曰救鬪者不搏擻

訖逆切

子雲賦

擻膠葛五行志物如蒼狗擻高后腋通作戟戟古作戟

詩傳注戟搨

居足切

弊梗弊敗梗塞也

管子春令謹禱弊梗謂時方開通

而有弊敗梗塞禱神以通之文瑩以繁華對弊梗

批伉椎擊其要也 淮南曰解粹者不在於捌格在乎
批伉高誘音沈韻書皆無此字說文有批字竹甚切深
擊也又蕭韻又作敝今唐韻沁韻惟有堪字史記右手
堪其胸堪即伉也批又作挽挺以指也孫臏批亢擣虛
之批則又音薄結切直翁以爲批與秘捩之秘通

隳集雜選而至也 趙古則以隳為集升菴非之按許
善心神雀頌曰嘉貺隳集隳音雜隳乃集字

喆窳猶苦窳也行敝言脆薄也行窳猶行濫也 漢書

曰江南民喆窳媮生而無積聚顏籀曰短弱也喆窳音
紫愈舜作什器于壽丘器不苦窳苦讀如鹽粗也病也
史記貨殖作些窳荀子曰窳楛不便利者弱楛與苦同
唐韓琬傳器不行窳又默啜寇媯檀曰與我金銀器皆
行濫三省注曰市列為行行作濫惡也郭璞曰勞苦者
多情窳又注毳為脆謂物之行蔽也言行蔽也焦澹園
曰懶人不能自起如瓜瓠在地又懶人恒在室中故從
穴瓠攻苦即功沽

榆綰綽卽祈綰綽謂盤旋而延長也 晉姜鼎銘百二
十一字中有取乃吉金用作寶尊鼎用榆綰綽眉壽保
其子孫三壽是利伯碩父鼎銘五十字惟六年八月初
吉巳子史伯碩父追孝于朕皇考釐仲王母乳母尊鼎
用祈丐百祿眉壽綰綽永命萬年無疆又孟姜敦銘叔
孫父作孟姜尊敦綰綽眉壽永命彌生綰綽甚古今工
云綰綽雷文謂貫穿也又伯碩父鼎榆丐百祿釋作祈
困學記聞引石湖曰綰綽是古人祝延常語按漢書安

世房中歌克綽永福師古曰綽綽也亦謂延長蓋在鍾
鼎雲雷回互之文謂之綽綽取其盤旋延長之意

媒但詭譎也 鴻烈解曰媒但者非學謾也但成而生
不信高誘曰但猶詐也智以但與誕通說文誕詞誕也
徐曰妄為大言也然又為語詞如誕寘之隘巷明借用
誕是發語之誕乃借但之音而媒但之但乃借誕之義
也但又與亶通又與遭通說文解曰古文但為袒字袒
為綻字以是知但字轉通多也鹵簿有誕馬亦謂但引

馬不騎也媒但之媒則取媒孽之媒意蓋齊人名麴麩
爲媒謂釀蓄詭詐也

厭案摩服也 國策曰舉左案右舉右案左厭案萬乘
之國厭音益涉反與揖按通用即按驗也又通作頰史
西南志傳秦嘗頰畧通五尺道注音按

登來立至也 公羊隱五年登來之也注登讀言得來
齊人名求得爲得來作登來者其言大而急也今廣州
諺以來到爲登按薛用翁集異記敘蕭穎士遇二少年

登令召至邢曹進夢僧拔眼鏃及寤登言于鑿薛唐人可知彼時多以登為立至之義登得之聲相轉也

遺苞言苞苴也 字苑云鞞苴履底因說文履中艸之

訓也孔叢子吾于木瓜見苞苴之禮行詩箋以果實相遺者必苞苴之故曰遺苞言以此苞相遺管子曰大凶則衆有大遺苞矣注升斗包裹以相遺春官菹館注杜子春作菹飽茅裹肉也則菹飽卽菹苞

鞞錄拘樓之轉也拘樓偃樓之轉也 丁度曰拘樓聚

也言卷聚也荀子勗錄力病正言拘摟用力之疾也偃
僕或在語韻或在尤韻古多通用抱朴子言拘錄則術
家拘覓之術名

乾沒猶言白沒之也 張湯傳始為小吏乾沒如淳曰
豫居物以待之得利為乾失利為沒此解非也蘇鶚謂
乾沒如陸沈隋書王劭贊乾沒營利宋子京撰劉待制
墓銘吏得傍緣乾沒乾猶言乾得之也沒猶言沒為已
有也今人動言落錢沒即落字意乾從幹得音本音干

借為乾卦之名音虔集韻乃更作漑字俗分乾字或又分乾字皆非

臯牢或作僇倅猶牢籠也 馬融傳臯牢陵山注猶牢

籠也孫子臯牢天下郭璞注方言曰僇倅麤大兒僇洛

膠反則臯牢之聲也淮南子牢籠天地高誘注牢音雷

楚人謂牢曰雷此自方言然須知古牢有留樓之音易

林同枕其牢叶子孫封侯儀禮士喪禮握手用玄纁裹

長尺二寸廣五寸牢中旁寸注組繫鄭注牢讀為樓樓

爲削約握之中央以安手也今文樓爲纓旁爲方惠曰
臯當作皋

帝謨猶諦視也瞻諦言風止也昧諦猶言未審也說
苑扁鵲曰于物故有味諦而中蛟頭韓詩外傳作昧投
而中蟲頭毛傳提提之詩曰媿媿安諦謂行步安舒而
審諦也魏志韓宣闕潦障扇不避曹植道文帝免其縛
禪腰不下而去帝曰此家有瞻諦之士也張融風止詭
越可動瞻謨言風度舉止也說文帝謨也方言瘞諦審

也諍諱誤也吳越曰諍諱郭璞曰亦審誤牙見其意也
音帝智按諱掃諱一字牙見者互見也

以𦘔合驪言調和也 莊子宋鉞尹文以𦘔合驪以調

海內注𦘔和萬物合則驪矣此字從因而丁度遂收作
𦘔公紹收作𦘔一從耳一從目今字彙耳部目部並載
之並引莊子即以二者言之必有一訛矣論其義則𦘔
和正調和也又有唐韻足證三家之訛更何疑乎𦘔熟
煮也方言秦晉之郊謂熟曰𦘔左傳𦘔熊蹯史記臠熊

蹠內則濡豚注濡讀為而集韻作鬪炳孺廣韻亦作孺
馱龍龕亦作馱

希顏猶之希世用事也 公孫弘傳希世用事晉虞溥

傳希顏之徒希皆與晞同說文晞望也海岱之間謂盼
曰晞

淹數言遲速也 數讀如速曾子問不知其已之遲數

注讀為速集韻曰速古作整言籀作邀通作數賈誼賦淹
數之度是也

呼的猶呼暴也 灌夫傳諱服謝罪注晉灼音服為的

的與考工薛暴之暴同聲音弼角切關西俗謂小兒啼

呼曰呼的

握齧猶握蹠也卑陬乃迫促之轉也 司馬相如傳委

瑣握蹠廣韻齧齧迫也酈食其傳間勝梁將皆握齧好

荷禮注急促之貌荷與苛同增韻或作齧引前酈食其

傳握齧好苛禮今無此字或所見有別本乎唐玄宗泰

山銘方士虛無儒書齧齧其曰赳赳樸樸局促卑陬皆

是者非也卑陬乃迫促之轉也莊子注亦未注明郭若
虛畫記趙邈齶以不修飾稱正握齶之聲也今俗有此
語齶當從取今監本皆齶

蹕絕猶蹕蹕也趨趙猶釗超也 蹕勅角切孔光傳蹕

絕之能韓文集序曰汗瀾卓蹕莊子跨蹕而行楚辭曰
春秋連連而日高霍去病連行殊遠連與蹕同趙岐注
孟子曰子張蹕蹕蹕不常也京山曰挾泰山以超北
海超即掉字聲轉有之智又謂與趙釗通方言釗超遠

也說文趨趨怒步也趨趙也則釗正趙之音義詩其尉斯趙則是釗字朱氏謂趙即道則或先有肖聲

唵嚙呻呼衆聲也一作唵嘔啞啞在喉舌間也

見列子唵嚙呻呼升庵引列子注作唵嚙余嘗曰唵語含口也嚙寐語謂語不成句也呻儵呻而唵也呼有聲而無字也唵音庵唐楊瑒傳公卿唵默唯唯可知四字為形容嚙嘖之聲長箋引卜居作促訾凜斯啞啞儒兒此皆形容之詞粟斯一作栗斯以聲狀之無不可者豈

必改訂附合

擲揆挺捫以手狀之 淮南子曰擲揆挺捫世之風俗

言求利便之狀也擲徒含切周官擲人掌誦王志道國
之政事以巡天下之邦國而語之陸氏他南切與探同
徐本說文曰探也唐本曰搆也孫氏他紺切揆音閃可
上可去此用擲揆當讀探毯挺捫皆上聲

讓恆凌誅以言狀之讓恆一作讓極蹇喫 列子曰讓

恆凌誅好凌辱責罵人也誅字張湛音碎字林及殷敬

順音宰公紹收昨律切賈生之亂亦用詄曰注告也史
記作訊恆吃也說文曰急性也方言讓恆吃也或謂之
軋謂之盪郭璞曰江東曰喋皆謂口吃好言之狀長沙
弔屈而亂辭用詄正謂狂憤無聊之至朱子釋告尚不
足以盡其意耳升庵因史漢同異必以為詄即訊字此
不必也蓋有孟堅所改者如灌夫畢之即屬之乎世說
張敏集頭責秦子羽文或蹇喫無宮商喫廣韻音穀
啗噴為小聲噴啗則為大聲啗啗則為叱聲噴啗一作

護諧咄喙一作咄嗟咋喙窞窞轉為叱咤猝嗟 信陵
傳晉鄙嘆喙司馬氏曰多辭句也嘆屋號切喙側伯士
革二切聲煩雜也亦作嘖咋傳曰嘖有煩言亦為歎聲
說文曰嘖大呼也或作讀諧大聲也集韻曰喙歎聲合
溪曰爾雅行扈喙喙白居易詩嘖嘖雀引雛樂府烏生
篇喙我是也皆是細微之聲傳曰季植子咋謂林楚蓋
喙口聲也許氏大呼大聲不知何據合溪迂矣古人借
音開合隨時形容何必以字同爲碍邪柳子厚晉問跳

浮嘖喑既云跳浮豈小聲乎喑我惜我也斂口之聲與
喑喑同狀細微嘖嘖也嘖喑則喑隨嘖音大呼大聲也
當以側白之切爲是故丁度作護諧正欲別之若喑喑
則音窰窰晉書喑喑而辨集韻作咋喑古樂府作喑喑
孫權見呂蒙病中喑喑靈光殿賦綠房紫葍窰窰垂珠
潘岳芙蓉賦窰窰星羅韓信傳意烏猝嗟即喑啞叱咤
也嗟從差本可差去聲而人忘之因所習深耳劉貢父
以司空圖咄喏而辨斷石崇之咄嗟而辨爲誤則又拘

泥可笑

嚼齧嗽獲即嘯啮之聲而痛言之也 此見宋玉風賦
蓋形容小民被雌風愁病中風促口嚼齒之聲狀也漢
灌夫傳齧舌自殺史作齧舌通作咋荅客難曰狐豚之
咋虎此齧之本字也風賦語意齧因啮聲獲即嘯聲言
其嚼齒欲啮促口噴嘯累而狀之古人無此成語自玉
輩創撰下字之驚厲痛切如此必曰獲得也豈能曰嗽
而有所得乎惟聲音可通古今人物之情文字其寄託

者也即此小節可見一端

担橋矯然飄拂之意也矯虔應作橋據 楚辭遠遊曰

欲度世以忘歸兮意恣睢以担橋担丁但切拂之重也
橋居桀切朱子曰担橋軒舉也愚謂担橋者有拂袖揮
塵矯然高放之意橋居小切猶矯也說文曰舉手也一
曰擅也史記古矯然而不下漢書矯虔吏乘執以侵下
此因書之奪攘矯虔以生意也考工記曰橋幹欲熟於
火而無羸橋角欲熟於火而無燂士師之八成五曰橋

邦令皆矯枉矯激之義強哉矯與矯矯風節則贊詞非專爲矯強也但以矯反其偏釋矯則義漏矣莊子喬詰卓鷲喬亦音矯說文因矯虔有據字

煩擱猶接莎也 字畧云煩擱接莎此見詩薄汚我私注煩擱也接即接字接音儻謂摩接也禮曰共飯不澤手康成注曰澤接莎也亦作摩浮即摩接也廣韻擱或作孺公紹音擱爲而宣切唐藝文志齊孺道真集韻亦作換接孺又音乃度切集韻作換字誤矣晉書劉裕與

劉毅樗蒲裕按五木久之王珍國張稷以黃油裹東昏首遣范雲送石頭右衛將軍王志取庭樹葉按服之僞悶不署名身之曰按奴未反西涼李暲謂梁中庸曰我何能千里外按長繩絞其頭邪成式用按按即接掌

根格猶批根也 毛晃曰吳楚俗謂牽引前卻為根格

博雅曰根攬引也韻會引灌夫傳引繩枕根根與根通根胡恩切格曷各切轉注略曰今本誤作根株之根非也黃山谷送公定詩引繩痛排根自注根音病今宗吾

刻本一條字字作根不又誤矣山谷謂排擯也愚按從
良當以痕狠良為聲者近山谷之音未敢信

連犴謂宛轉連環也 莊子謬悠荒唐無端崖之辭不

傲倪于萬物其書雖瓌瑋而連犴無傷也注犴音汴言
書雖驚世駭俗而善體物情連環宛轉也毛晃竟收入
元韻以犴音翻不知何據章黼韻犴即獲音歡即懼忤
本相通而後人分爲二音並用

心儀心擬也切擬猶比擬也 漢外戚傳皆心儀霍將

軍女儀音螳即心擬也高唐賦殊為物類之可儀與互折曾累叶則亦音擬擬議有揣度準擬之意故有比擬借擬之意通作比擬舞賦經營切擬記曰擬人必於其倫食貨志遠方之能疑者並舉而爭起師古曰疑讀曰擬蘇秦傳疑於王者从擬轉疑凝故儀禮疑立即疑立禮記疑丞即凝承

枝梧猶支柱抵牾也 項羽傳莫敢枝梧注如淳曰音

悟臣瓚曰小柱為枝邪柱為梧字當作梧司馬遷傳或

有抵牾注師古曰抵觸也牾相支柱不安也方言支註謂以言語支柱也史記序今屋梁上斜柱是也斜觸謂之牾下觸謂之抵牾言其參差也枝言枝牾也說文嬉字訓好枝格人語也凡夫因玉篇媿伎也疑為伎格非矣

摸擦捫搽也 此解見唐韻韻會今俗實有捫搽之語南史暗中摸擦始有此二字戴氏譏為俗字余以為即摹字楊子三摹九据今特移手于旁耳後人特轉平聲

為入聲如蘇味道摸稜尚是平聲增韻又載摸撫卮言
盧氏雜記味道拜相時以手摸牀稜焦氏曰當作莫索
漢逢盛碑摸作园

鄭重即珍重之轉漢注頻煩猶言殷勤也 漢王莽傳
稱非皇天所以鄭重降符命之意注云鄭重猶言頻煩
也顏氏家訓云吾亦不能鄭重聊舉近世切要以啓寤
汝耳沈存中筆談言石曼卿事云他日試使人通鄭重
則閉門不納亦無應門者魏志倭人傳云使知國家哀

汝故鄭重賜汝好物也智謂鄭重乃珍重之轉芥隱筆
記引樂天謝庾順之送紫霞綺詩云千里故人心鄭重
可知即珍重矣

遮莫猶言儘教也蓋侔莫也 陳騏雜識云方言侔莫

強也若云努力樂摩言勉強為文莫儘教即是強意猶
解鄭重為頻煩當以言外會之干令升記雷孔章謂茂
先以犬誠狐狐曰遮莫干試萬慮則自晉人已有此語
不自遮莫鄰雞下五更也或曰遮莫猶諸莫也方言拏

摸言持去也諸莫亦拈摸之聲若公莫篇則曰公莫舞
公莫舞非此解矣

八米當是八采 姚寬西溪叢話曰八米關中語歲以
六米七米八米分上中下北齊盧思道文宣帝崩文士
各作挽歌魏收陽休之祖孝徵不過一二首思道獨有
八篇時人稱爲八米盧郎唐張祐寄載詩少見雙魚信
多聞八米詩智按吳虎臣以孔毅父續世說載北盧思
道此事作八采又以五木戲其八為珉采王采之中有

采曰白因謂之白八近時姚寬蓋臆說也而今之古詩
紀仍刻西溪叢話

健慕猶健羨也

徐文長路史載健慕見廣記智按關

尹去慕文子忘鍵皆本史記去健羨也莊子韃韞與適
莫畔羨同音去健正謂去鍵

解何問其何分疏也

匡衡傳樂安鄉閩伯爲界聽曹

爲之解何猶分疏也張辟疆謂陳平曰解未言能解否
也膠西王傳故爲無訾省猶言不省事也說文妍一曰

不省錄事也可以推知省錄事爲漢人嘗語

于諸寘也于遮卽于諸之聲也 哀六年公羊傳于諸

其家何休注于諸寘也齊人語也六飲疏曰紀莒之間
名諸爲濫內則桃諸梅諸言乾蕃者曰諸賈誼偏諸襟
也光武紀諸于半臂也相如賦于遮注曲名亦于諸之
音也智謂諸者古人語詞猶今之言這言著也著又轉
而爲子今吳人多曰子是也

差須猶少待也選間猶少間也 淮南屈宜若憂吳起

之差須言少時也呂覽選間食熟古文或用頃之或用
俄頃或曰亡何或曰少選或曰少焉或曰未幾或曰已
曰既義皆通用

孰何問之也猶曰誰何也 過秦論陳利兵而誰何音
苛苛細詰問也漢有大誰卒師古曰大誰主問非常之
人有大誰長黃圖曰王褒帶劔入北司馬門至非常室
中乃公車大誰也集韻或作噍亦作譙史記衛綰傳景
帝立歲餘不譙呵綰注譙音誰呵音何以譙呵爲怒讓

此言不誰何但不問之而已漢書作不孰何武帝冊曰孰之復之應劭以誰何爲掌謹呵者後學輒改此書誰字爲謹違本文矣貴與說

進孰言進成熟之言也文孰言文法孰爛也 張騫傳少從進孰謂以孰言進于天子乾鑿度曰自上古及下帝孫文孰文孰者孰成道法也言世漸增文法而人孰爛也董仲舒曰孰爛如此古孰从孰專主孰爛後因誰轉爲孰故火以別之五行志以盛聖而易孰惡師古曰

孰成也此言文法猶文具文爲之文也嚴安傳之文刻
嚴延年傳之文致趙禹傳之文深周陽由傳之文惡董
仲舒傳之文繫蕭何之文母害張湯之舞文皆謂法律
之文也若翟方進所云託文成許后所云文陳則謂文
書文字也

無慮都凡也猶云亡論也 廣雅曰無慮都凡也趙充
國傳亡慮萬二千人注大計也與錄同智按此因慮因
為錄因而知其音相通也若亡慮者蓋言不待計慮而

知之猶言無論也何必轉錄字乎如蔦艾使封人慮事此乃錄事也而注乃云無慮計功元美論無慮之慮音閤非也

發凡猶汎言大抵也最凡諸凡之最目也諸妄言諸凡望此者也望猶視也左傳序發凡以言例景帝紀凡號石奮萬石君猶汎言之也司會注謂簿書契其最凡也智按如今印契其凡目所最處印之小宰疏凡要亦是簿書又曰簿書之最目曰契劉歆取方言書曰欲得

其最目此明證矣大抵即大抵言大約也漢書李廣傳
諸妄校尉以下材能不及中以軍功侯者數十人注張
晏曰妄猶凡也即諸凡郝京山遂以凡妄為一恐未必
然智按妄猶望也望猶視也如視二千石之詞即假司
馬一例也國策朱英言無妄之人史記作無望可證大
約或云大要見陳萬年傳子長用要難張騫不得要領
其義始于腰領後則為通語矣要東即約束陸贄曰懷
光都不要藉亦謂約結而藉其力也

幾所猶幾許也里所猶里許也 疏廣傳問金餘尚有

幾所師古曰幾所猶言幾許張良傳父去里所復還師古曰行一里許而還古許所聲近如伐木許許漢人引爲伐木所所可證

以不猶與否也 李夫人傳是邪非邪師古曰言所見之狀定是夫人以否按古以與之聲相通詩不我以燕禮君曰以我安注猶與也魏書李順傳此年行師當克以否即與否退之剥啄行凡今之人急名以官注韓文

與多作以其解樂記之噍以殺之以爲與則非矣猶古詩之萋已綠也臨高臺以軒則尚可以與字解之

將母得亡母乃稱皆發問之聲也 韓詩外傳客見周

公周公曰何以道旦也曰入乎將母曰請入曰坐乎將母曰請坐曰疾言則翕翕徐言則不聞言乎將母方言無寫謂相見有得亡之辭也莊子子產曰子母乃稱左氏用以轉語莊韓用以結句古人善摹人之聲音神狀如此阮千里曰將母同本謂得母乃同乎猶言能母同

也葉夢得爲之解曰本自無同何因有異此是東坡所謂設械匿形推墮滉漾之伎倆耳

行李行使也即裝任也 昭十三年曰諸侯靖兵好以爲事行理之命無日不至古臯陶爲李理官也古李理通用僖三十年燭之武曰行李之往來注云行李使人也襄八年晉責鄭曰亦不使一个行李注曰獨使也升庵引唐李濟翁資暇錄云古使字作李今按李文正作李此何據乎馬永卿懶真子彭乘墨客揮犀曰左傳注

皆止解行李爲使而今人以行裝爲行李則非也永卿
載亳州祁家收孫宣公與書尺有云行李鼎來蓋行使
也古李字从山下人人下子作李後人轉作李此並非
資暇所說之李矣不知本義爲行理而使人行必有裝
鄭當時之治行孟子之治任是已則相沿以行李爲隨
行之物亦何不可甚矣馬彭之拘也孟子說解李與裡
藪通謂杖之可以擔物者

尋人招帖曰零丁 升菴引齊諧曰有失兒女零丁

謝承後漢書戴良有失火零丁猶今之尋人招子也蓋古以紙書之縣于一竿其狀零丁然

雷始雷終即令始令終也 廣川跋曰夔鼎之銘曰雷

始雷終跋叔繇鼎銘曰三代鼎彝有銘多矣而此曰雷

終古者以雷爲善其文與令同此其謂善頌者也智按

書弔由靈靈善也古蓋令靈雷並通凡令名令聞之令

皆從靈來以人為天地之靈心爲人之靈故訓爲善而

多借令字繇音鑿智又按集古錄龔伯彛銘曰屢其熙

萬年無疆霑終霑始薛尚功釋曰令終令命

令命即令名領聞即令問 史記命與名通禮生子咳
而名之左傳君命太子曰仇叔孫獲長狄僑如以命宣
伯與名同史曰命世之宏才即名世天官書免七命注
辰星謂之免星有七名張耳傳亡命謂脫名籍逃亡也
智又按說文名从口夕言冥不相見故以口自名此說
甚曲朱謀瑋謂烏以夕而鳴作口則尤曲矣蓋令从△
从巳命从令名从命省作厶本一字而平去二音也令

無重文故平去聲通用之命有重文之名故分用之又
按長笛賦求偶鳴子曹植詩鳴儔嘯匹侶何承天詩日
夕遊無際歸禽命同栖命即鳴則鳴且與命通益足以
破朱氏鳥因夕鳴之惑矣揚子曰君子純終領聞郝京
山謂即令聞詩注令聞禮注諛聞皆去聲故亦用令問
後漢馬融與高彪書承服風問注謂風猷令問也漢書
注李竒曰領禮所聞故後人曰領袖聲聞也師古曰領
令也然如唐書踵領謂踵前人而領其事安知法言非

造合者乎故兩存其說漢書元朔五年詳延天下方聞之士謂大方多聞也董仲舒傳講聞高誼則平去皆可貫行謂一皆遵奉也東平憲王蒼傳光武營建陵地詔裁令流水而已孝胡大孝無違奉承貫行謂一一奉行也谷永傳曰以次貫行固執無違

標季猶叔末也黨錮傳序叔末澆訛王道陵缺注猶季世也太史公用輓近猶晚近谷永曰當陽數之標季言標末季世也王莽青戎標末之功注標與葉同葉即

秒也淮南言律數十二葉可證

縣遲猶言思遲縣切也 趙壹傳昭其縣遲按肅宗詔

思遲直士遲去聲言遲待也縣遲正謂縣縣遲望之意

徐陵用遲縣謝安與道林書計辰傾遲

醞藉蘊藉也潦倒言頽落之態也 南史云宋武帝舉

止行事似劉穆之此非醞藉潦倒士邪又北史崔瞻列

傳云自太保以後重吏事謂容止醞藉者為潦倒而瞻

終不改詩飲酒溫克鄭箋云猶能溫藉自持以勝陸音

去聲禮運溫之至也注為溫藉漢書作醞藉

傾戲揆頤言傾斜也 漢樊敏碑立朝正色能無揆頤

音傾言其方正或曰揆傾悛季也或曰言揣度傾斜也
按喪祝勸防注引樞也玄謂勸猶倡帥前引者防謂執
披以備傾戲賈公彥曰音虧使持制之不至傾虧然則
揆頤當即傾虧之語又記此碑有釋者一作搖頤俟有
書可讀時再考

騎危登極騎衡言其危也 魏世家曰范痤上屋騎危

而上書信陵以免死莊子夫妻登極者蕭思話好騎屋棟打細腰鼓史記袁晁傳騎衡注衡樓邊欄楯也大氏橫者謂之衡謂之登極亦可總言危道如垂堂之意也空外猶單外也何並傳造王林卿曰冢間單外後漢書張禹傳請鄧太后還宮以爲久處單外杜詩用盡閨中力君聽空外音空字去聲

暴挫鋸項推減蝮鷲狀酷吏之猜禍刻治也 酷吏論

曰馮當暴挫稱璞鋸項駱壁推減般周蝮鷲暴挫言暴

虐以挫人鋸項如鋸之刻挫如鉅之鈎譎也推減能故
深文以出入罪也蝮鷲狀之而已猶鷹擊乳虎毛鷲為
治也袁盎傳絲欲刻治言以刻深治辨也王溫舒傳請
名猜禍吏應劭曰言善猜疑作禍害者用之史記作徒
諸名禍猾吏言吏之以禍猾名者薛宣傳使掾平鐫令
如淳曰平鐫激切使自知過也古人亦隨意造字如此
何責退之輩邪

媒蝮言媒孽而蝮蠱也 宋公稱過庭錄曰景文記程

元振惡李光弼言媒蝸以疑之春秋傳云雖蝸譖焉避之者蝸音曷木蠹也言譖由中出如蠹殆合媒藥與此而用之今按唐書宦官列傳又云如媒而成如蝸之蠹合用何疑宋所引春秋乃國語也

濫耳濫口皆謂濫說也 史記鄒衍傳始也噤耳戰國策橫人濫口利機淮南曰不噤于辨相如虛詞濫說噤即謂濫也說文引論語窮斯濫矣媼濫噤可通

噉汁猶拾藩也 哀三年富父槐曰無備而官辨者猶

拾潘也注潘汁也尺審反智按魏世家欲啜汁者衆注
冀功勲也與此互證潘即汁也沈約播酒有音汁者斟
審甚汁同聲故古人借之禮記潘字本泔也或疑潘之
訛而莊子之審爲淵則蟠字潘當音翻姑存俟證

苛廉猶刻廉也荷禮苛禮也苛問呵問也 國策楚之
史舉以苛廉聞于世漢朱建傳刻廉紱直苛刻一意苛
小艸也呼戈切借爲苛細煩刻之意酈食其傳握齧好
荷禮即苛禮王莽傳掖門僕射苛問即呵問也苛荷呵

通聲今人讀為谿母又一變矣古文奇字𠄎奇尙皆从呵止爲義奇乃借用

偏宕謂偏奇跌宕也 孔融傳發辭偏宕南史蕭惠開

偏奇相尚鄒陽曰係俗牽世繫偏奇之浮辭哉宕與蕩邊盪通而說文分之跌宕作跌踢相盪用相濠蕩止爲

蕩陰水名上聲宕洞深也顏瑯琊子急就序人用已私

流宕忘返即流蕩顏最明字學者正以从水从宀其借

同也

諧際謂諧合交際也 唐書房瑄傳與呂向隱陸渾十年不諧際人事此字曾見六朝人用之莊子貴際注貴交際也按說文際壁會也崇際見之白也隙壁際空也則壁相交會之名故借用之

拆呼猶罅漏也 韓文補苴罅漏即罅字說文罅裂也燒缶善裂罅作罅箋曰一字纏文張位特定罅漏音夏乃因說文之呼訝切與陸德明之讀也爾雅蒼醜罅注謂蟬屬剖拆母背以爲孔罅而生鄭漁仲曰蛙蟲有角

甲者齧桑類罇張拆也此蟲之僻在乎張角拆甲此解是矣鄭康成注易甲拆曰拆呼也正以呼爲罇古家麻韻多歸魚模漢去古未遠猶有此聲爾雅注孔罇之語廣韻取之陸德明以當時方言定其讀不知古人从虜甚明如純嘏本音古與魯許字叶今張焦李朱之字說刊誤反以讀假爲正讀古者爲非竟忘其本皆此類也嗟乎聲音之道變極反本何苦止守晉唐之泥格而強自然之原乎諸公亦以讀書不深有所不知耳

望衍望而延之也招弭猶招救也 男巫望衍授號冬
堂贈春招弭以除疾病注子春曰衍祭也玄曰有牲粢
盛者延進也弭讀爲救招招福也救言安凶禍也子春
堂贈爲堂矧蓋贈猶送上言贈惡夢猶送惡夢也訓雋
曰望而延之爲是何必指牲粢乎今謂弭止也止猶安
也救寧本謂弭寧

邦洵言激亂者 司寇士師八成一曰邦洵注謂斟酌
司農曰斟酌盜取國家密事若今時刺探尚書事疏言

斟酌私知此非也訓雋曰夫盜賊而有斟酌量度之心豈爲亂乎說文洑激水聲邦洑者奸民乘上之隙而激衆以倡亂如水之激而逆行也

廡陳廡興廡塞廡藏皆隨文立訓者也 大喪廡五兵

司農曰故書作淫讀作廡釋曰先鄭一部之內廡皆從淫則廡爲漢字先鄭所換也訓陳鄭氏訓興因爾雅也又因園人廡陳並列故主興義訓雋主廡藏之說唐崔祐甫獨孤及墓銘廡衣楚挽徘徊墓田李華權文公墓

銘廡隧納書禮優職衰宋祁真宗挽歌廡翼浮晨旭皆
謂廡藏智按韻補引唐滄州無埭渠久廡塞薛大鼎浚
之此因考工善防者水淫之司農曰淫為廡水淤泥土
留著助之為厚鄭氏不從而宋祁復用此作廡塞蓋嶽
巖有藏義从山从宀可通而謂為陳為興則借其音耳
說文廡許音切集韻嶽或作廡可推

屈筴委曲也迮狹即窄狹 和洽傳魏武令曰高祖每
在屈筴蕭曹恭順此言受委曲也古無窄字筴即窄也

今人以處約不如意為受委曲唐宋間文以官家所商
議為委曲于文定云亦稱從容張飛傳山道迤狹即窄
狹後漢樊毅華岳碑言十月齋祀西嶽以傳窄狹廟舍
舊久牆屋傾亞則漢已有窄字傳傳舍也

推築旁推覺之也 今人有用推築其義若下石者誤

也按三國志顏裴傳帝召軍市吏于裴前杖一百時典
農私推築裴謝斐白宣王曰典農竊見推築假令斐謝
是更為不得明公意也推音他回切蓋從旁推築令覺

也其曰築殺者則用手擊人也玊篆玊故亦作築築

關戾機捩也 杜陽雜編言新羅獻萬佛山擊鍾則行

道之僧禮首至地蓋關戾在鍾也智按羅隱妖亂志言

張守一刻木鶴中設機捩詞隱曰曲有偷吹待拍有務

頭顛落種種關捩子優家有戾家把戲燈錄黃檗謂牛

頭尚不知向上關捩子蓋一義也捩本力霽切琵琶之

撥曰捩又木名善破血又音列爲關捩之義古通用戾

捩後分用捩从手玉篇始收捩字曰扞捩也在屑韻然

今唐韻十六屑中亦收戾字則古戾亦有列音十二霽亦收揆字解曰琵琶撥則揆亦有麗音矣古列戾聲通如祭法厲山氏即烈山氏鄭氏讀留栗爲烈厲禁爲迺禁溪則厲爲列石渡水是也唐人所爲揆暈則專音列蘇鶚曰大中末小兒疊布蘸水向日張之謂之揆暈物異考作拔暈

洑河因於范河活沙 存中曰越人謂淖沙爲范河北人謂之活沙子過無定河渡活沙百步外人馬瀕瀕然

一陷則馳車俱沒此即流沙也澁字書亦作湼蒲濫反術書澁河取此按今祿後一辰曰澁河蓋謂陷運唐六典亦載澁河之目但湼字無蒲濫反乃唐人造澁字耳程泰之作陷河

三命謂受命遭命隨命之三科也 祭法七祠曰司命注司命主督察三命孔穎達曰援神契云命有三科有受命以保慶謂年壽也有遭命以譴暴謂行善遇凶也有隨命以督行謂隨其善惡而報之

貼危壁危也貼也康也簷也皆一聲也 魏志和洽傳

貼危注松之案文紀曰貼于死亡食貨志貼危若是注
曰貼音鹽如屋簷近邊易墮之意也堂廉句廉亦謂邊
稜貼簷廉一聲而義亦因之智按亦可去聲馬援傳貼
跣墮水中亦當音占去聲或音帖乃當時注者之方言
也楚辭貼余身而危歿亦有讀戰者

生達有條達之義故轉爲挑達一作史達作事順利謂
之遂達汰過輕忽謂之侏健忽遽謂之忽達相勉謂之

爭達 生民毛傳曰達生也驛驛其達正義苗達生也
京山曰條達也其音與挑達相轉青矜箋佻達往來相
見貌說文引爰兮達兮漸子引許端夫曰遂達易也侏
健言汰過輕忽也忽達言矜忙也余一時未有所證忽
閱方言而知之方言曰忽達芒也又曰茫矜奄遽也吳
揚曰茫智乃知古無忙字故用芒芒然亦作茫然故茫
矜又用茫字郭言草杪芒矜出此其本義耳人忙則有
忽達之狀遂達之語見康成長發箋能以德自遂達於

天是也。孫恂曰：侏達又曰汰過，乃是滑汰意。韻會亦作達。此因挑達生輕易之意也。智又按漢人有爭達之語，爭去聲，謂強自爭立發達也。沈汝納《胡孝轅》所刻《漢雜事》：太后謂帝曰：「吾入宮後，知有幼妹，中外隔濶，目所未見，不謂爭達如爾。」此書出於王子充《諸韻書》。皆未考出，故載於此。

頓愍猶頓門也。氏惆猶怵慌也。方言：「侏愍，頓愍，惛也。」江湘謂之頓愍，或謂之氏惆。郭音丁弟，丁牢反。頓愍，頓

悶也智按周本凋字轉為周說文低愴不憂事也正讀
氏凋平聲又曰祗凋短衣凋音都牢切郭亦曰祗凋弊
衣可見氏惆之音乃漢晉之常語

終古終今終之爲言常也 詩振古如茲毛曰振自也
鄭以爲古古如此因爾雅曰振古也智以此有脫簡若
訓振爲古則復矣考工記注齊人言終古猶言常也楚
詞曰吾焉能忍而與此終古南粵傳文帝賜佗書願與
王分棄前患終今以來通使如故師古曰從今通使至

於終久智以終古猶終身終世之例古人有意多字少
即簡促言之終今者猶言自今以往常如此也振即常
也聲亦相轉

詐諛懷諛皆言虛謾也暖妹則言其柔悅也 藝文志
上詐諛而弃其信師丹傳懷諛迷國師古諛詐也此據
說文智謂諛从虛聲旁轉遂有虛泡之意故曰詐曰忘
諛艸言忘憂也因作萱終不可諛因作諛或作愼實一
字相生也莊子暖暖妹妹之狀崔烈傳反不知妹邪妹

妹猶好好也

通雅卷五

欽定四庫全書

通雅卷六

明方以智撰

釋詁 諛語

諛語者雙聲相轉而語諛諛也新書有連語依許氏加言焉如崔嵬澎湃凡以聲爲形容各隨所讀亦無不可升菴曾彙二字楚望亦列雙聲弱侯畧記駢字晉江蘇氏韻輯駢複俱宗楊本江右張氏問奇特編而定其音讀穀城從而廣之朱氏指南良齋字學皆揭此例然多鈔升菴守以字學鉤鈇之說惟郝公主通然未免強合故因擿其支離補其遺漏前後見者偶從部居此舉成例列于左方以便學者之因聲知義知義而得聲也

彷彿一作仿佛方佛放弗髣髴倆佛放悲通作放物方
物蓋因恍惚而輕唇出之也恍惚一作恍忽恍惚恍惚
荒忽通作恍剡 廣韻作放弗又作方弗甘泉賦仿佛
其若夢典引仿佛注猶稷槩也遠遊篇作髣髴衛恒傳
盜發魏襄王家得髣髴古書漢練時日章相放悲震澹
心師古注作方弗倆亦古仿字易林曰倆如旦飢楊氏
引陸雲用倆佛郝氏引漢郊祀志民神雜擾不可放物
與放弗同按放物即方物也然古讀物與弗近如没作

物蟲沒轉爲密勿別條詳論古實相通毋謂郝公好奇
如舊說不可方物爲不可比方其物又何嘗非臆決乎
舊注仿佛爲梗槩亦未切當智謂虛呼其聲爲恍惚以
輕唇出之爲仿佛實一聲也祭義以其恍惚以與神明
交史記大人賦西望崑崙之軋沕沕兮漢書作荒忽
又孝明八王傳下邳惠王衍病荒忽老子惚兮恍兮莊
子心神恍惚凡夫引九歌恍忽兮遠望韓退之和山南
鄭相公詩指畫變恍剡剡或為欸字亦忽之輕音也焦

桓所見古人原以逶迤之狀名之猶莊子山有夔野有
方皇亦以徬徨名鬼也後因加虫作蜚蛇豈可反本此
說以解逶迤邪漢書禮志旗逶迤蛇西京賦聲清暢而蜚
蛇莊子作逶蛇韓詩作逶迤任光邳彤贊委佗還旅方
朔傳遺蛇其迹郝氏謂即逶迤智亦以遺讀移則與下
複古時遺從賈必有饋聲今用遺蛇為逶迤猶揚雄用
遲遲爲栖遲也後漢儒林傳方領矩步者委它其中注
曰它音迤詩周道倭遲與逶迤同釋文作周道倭夷文

選注周道威夷薛君曰威夷險也又作威遲爾雅威夷
長脊而泥注威夷長而弱也漢地里志扶風有郁夷縣
注師古曰周道倭遲韓詩作郁夷言使臣乘馬於此道
王伯厚詩攷載韓詩外傳禕隋即委迤又衡方碑禕隋
在公即詩委蛇在公也考隸釋有之費鳳碑陰逢盛碑
皆作迤迤方子謙引石經作迤迤又作禕隋爾雅音義
引禕它李鉉字辨作倭他離騷經載雲旗之委蛇一本
作逶迤一本作委移注雲旗委移長也劉向九歎遵江

曲之委移韓愈詩委陀結斜漢即逶迤字酈氏字說曰
天官書歸邪讀如委蛇言其狀逶迤也說文隰鄭地坂
許為切陴上黨坂于離切則二坂亦以地形逶迤而名
趙撫謙卒於嶺南有遺文在東莞張氏內用逶迤豈以
婁壽嚴發碑皆有逶字邪智謂何必據漢碑按漢書得
逶衡門古從彳者亦以彳又山海經赤水東蒼梧之野
舜與叔均所葬也爰有文貝離俞鴟久鷹賈委維郭璞
曰委維即委蛇也又周禮爲壇壝宮棘門三行平地築

壇又委壘土起眉埒徐廣音壘為羊誰反則委壘音義
與委迤通又玉藻曰疾趨則欲發而手足毋移注移之
言靡匝也疏言謂靡匝搖動也言疾趨則不必翔步逶
迤紆徐矣古靡如微微字中原讀如禕則靡匝亦逶迤
之聲也依戴合溪作逶迤依魏子才作委也依說文長
箋則作螭鈍蟻鈍又按易林大壯之鼎曰長尾踳距其
師之咸長尾螭蛇一首與之同文以螭蛇証踳距則讀
逶迤以狀長尾可知其繇下叶思字中叶河字蓋古蟻

蛾通多有怡音則何讀奚明矣洪景盧言逶迤有十二
變升菴轉注古音委蛇字下云韻會未盡故廣之止有
八變方子謙所列有十七變楚望止收十變智今舉所
知凡三十二變學究亦不須此如合溪子才輩改篆作
楷勢所難從子謙所引石經禕隋恐訛未考吾嘗笑升
菴弱侯种歸作种躄穉祿列穉穉躄乃歸訛穉乃穉訛
而顧效尤與偶因二字之變據古今而別之見當以聲
通義如此豈欲學者用之哉

傍徨一作傍徨悵悵房皇方皇彷徨急則為張皇一作
璋徨悵惶通為倉皇蒼皇 禮書房皇周泱即傍徨一
作傍徨荀子方皇周泱乎天下注方音旁猶徘徊也莊
子芒然傍徨乎塵垢之外吳語王親獨行屏營彷徨于
上林之中荆軻傳傍徨不能去集韻有悵惶即傍徨有
璋徨即張皇韻會彷徨猶征營也陶弘景周氏冥通記
整心建意勿悵惶也書張皇六師不寧之狀杜甫送鄭
虔倉皇已就長途往北山移文蒼黃翻覆韓祭女孀文

蒼皇分散舊唐書僖宗廣明二年王處之衆蒼黃潰亂
李端叔曰楊元發蒼黃失據郝氏直以張皇爲倉黃智
謂徘徊爲徬徨舒徐爲徜徉急遽則古齒激聲爲張皇
又穿齒憤聲爲倉黃則更迫矣

徜徉一作倘佯尚羊常羊相羊相佯佯佯襄羊倡
佯常翔相翔通為彷徨仿佯方佯 郊祀歌周流常羊
思所并即徜徉楚辭聊逍遙以相羊又用佯佯文選上
林賦招搖乎佯佯史漢及李善本作襄羊郭璞曰襄羊

猶彷徨也西京賦儻佯乎五柞馮衍賦乘翠雲而相佯
淮南俶真訓尚羊物之終始韓盤谷序終吾生以徜徉
柳子厚用倡佯老子指歸作常翔周禮有相翔史記吳
王濞傳彷徨天下漢書作方佯後漢東平王傳消搖仿
佯楚辭用彷徨

敞罔一作惆恍敞惘轉爲愴况愴况倉况敞况 難蜀
文敞罔靡徙注矢志貌韻畧加心大人賦聽惆恍而無
從思玄賦奄敞惘而無疇轉爲愴况九辨愴况曠恨兮

詩倉兄填兮即愴怛或作滄况齒兩之音轉則爲惆悵
他朗之音轉則爲曠悵丁度集韻作敞芄蔡邕石經尚
書殘碑母兄曰今日則兄曰敬德兄即遑字蓋古兄荒
皇况通音九經考異誤刻兄作凡

沈洋一作潢洋瀆漾潢漾通為曠漾罔養 史記言莊
子沈洋自恣以適已戰國策狐祥不可食新序引此語
作潢洋可証太玄井潢洋終不得食淮南子瀆漾極望
馬融頌瀆漾沆漭上林賦灑漭潢漾皆一也鮑照賦曠

漾敞罔後漢書馬嚴傳覓共罔養以崇虛名皆潢瀆之聲所轉也履按罔養猶之罔象是亦一義

徘徊一作狹徊徘徊 思玄賦馬倚輶而徘徊史相如傳裴回關尹子分用見重言宋子京作唐書陸季疵擊木裴回應合鼎臣意鼎臣言徘徊衣寬貌字當用裴回按徘徊行佇傍徨之貌高后紀徘徊往來息夫躬鸞徘徊兮注徘徊不得其所也庾信文有袂徊唐松陵集有遲徊皆傍徨不進貌茂陵書屋皆徘徊重屬屋兩

翼亦名兩徘徊蓋以行佇起意耳焦氏刻誤曰裴回作徘徊並非泥徐氏也

寂寞一作宗莫宥漠嗷嘆宗漠溲漠罕漠 說文本作嗷嘆即寂寞也一作宗莫廊氏字說作罕漠楚辭作宥漠又作宗漠集韻宗一作諏又作溲按罕漠字恐因碧落碑上文

沈寥一作沈謬沈廖審膠猶寂寥也寂寥一作寂廖寂寥寂謬宗廖宗窳通作寂聊淑湫 九辨用沈寥一作

沈澆集韻寥本作廖亦作寥九辨七章老寥廓而無處
王逸本沈寥作宗廖相如賦寂澆無聲莊子澆乎其清
通作廖退之華山女坐下廖落如明星安仁賦幽谷豁
以窅寥窅音哮高氣也大宗師聞之參寥參高也寥曠
也此字兼冷曠之意從山從儿象其遠寂也凡夫以沈
廖當作窅廖四子講德論作寂聊管子曰耳之所聽非
特雷鼓之聲也察於淑澆即宗窅智按琴本寥留二音
窅乃音操澆本音劓亦有叔宗二音猶軸笛之有逐迪

音也個儻即倣故增韻寂寥讀作寂歷唐詩空山寂
歷道心生用之古時四聲通轉此異代所難解者莊子
刀刀之琴琴亦音笛則刀亦音丟丟轉入爲笛笛與
逐近故古笛作遂可證又以笛管借車軸之管兼指事
而名之曰軸推原論之寂寥本有啾琴焦奈宋歷三轉
旁通則有寥落寥歷嘹戾薊泣嘹亮勞利諸轉聲

拉沓一作拉朶鷓鴣翻翻邁邁驪駟猶拉襍也拉襍一
作拉颯轉為檣臘 漢鏡歌云臬母五臬子六拉沓高

飛暮安宿博雅遂有朶朶飛也廣韻作鷓鴣又作翾翾
拉又作擗揄焦氏叔邁過不謹也驢駟馬拉脊不行也
拉盧合切晉孝武太元末京口謠黃雄雞莫作雌衣被
拉颯栖猶拉襪也有所思篇拉襪摧燒之東坡曰學者
作拉襪變便自謂長卿世說殷融曰檣臘亦放何必其
鎗鈴邪

猗旒本作猗難阿那阿儼因作榱榱榱阿娜媿媿亦
作猗施倚移猗萎猗柅椅柅 楚辭猗旒乎都房注王

逸引詩猗旒其華今詩作猗儺長卿子雲子淵猗旒皆
從詩楚辭來當讀阿那亦可轉音古旒讀儺猶蟻蛾儀
俄也升菴載古作榱榱其枝又作榱欒此乃分別家所
作附古文耳洞簫賦阿那腴腰注舒遲貌即猗儺戴氏
曰古單作猗難與那同或作袞自子虛作猗柀遂為女
矢切矣孫恂有猗狔從風貌上林賦則用倚移從風一
本作猗施高唐賦用猗狔江賦猗萎即猗移正其字作
倚施而阿那又作婀娜韓愈元和聖德詩天兵四羅旗

常婀娜又作媮媮列子楊朱篇公孫穆好色擇稚齒媮媮者

重俯伏之音為匍匐一作匍匐扶服扶伏蒲服蒲伏匍
百俯伏輕唇匍匐重唇故古人之字通轉檀弓引詩
扶服救之左傳宋公子城射張句折股扶服而擊之漢
書傳扶伏稱臣霍去病傳扶伏叩頭范曄傳蒲服韓信
蒲伏膝下七發蒲伏連延即匍匐也丁度又作匍匐廊
氏曰秦和鐘銘高引有慶匍百四方言四方匍匐歸命

也

逍遙古作消搖稍搖消搖又爲須臾 詩河上乎逍遙
檀弓負手曳杖消搖于門東平王蒼傳消搖仿佯漢書
消搖即逍遙又讀爲須臾蓋古音搖臾枕揄兩借如詩
或春或揄揄亦爲尤是也毗曇云一晝夜共三十須臾
臾之本義說文曰束縛拑拙爲臾從申從乙後漢方術
傳序有武王須臾一卷言立成之法也徐曰逍遙字林
所加泥說文耳鬱儀曰古趙即逍京山引太玄翁首雖

欲捐搖天不之茲注作逍遙智按考工捐溝注捐讀如桑嫫蛸之蛸可証消搖者輕轉其音也飄然悠揚則轉爲飄搖之聲招指動搖則轉爲招搖之聲招搖一作招搖招繇見天文下

飄搖一作飄颻漂搖影搖飄姚彭颯嫫姚票姚票
鷄 詩風雨所漂搖鮑照詩飄颻無所定則以漂搖近
於剝落故專作飄颻從風馬融廣成頌羽毛紛其彭颯
章懷注飛揚貌音必由羊救切此拘沈韻耳實即飄颻

古尤蕭固通音也飛揚則以飄搖為得聲狀其音去聲者注者之方言也伏虔音票姚為平聲王融曲水序票姚武猛則指票姚校尉之類升菴主荀悅去聲以票鷁取名為武猛不知古人不拘如因杆貳師樓船隨意取名豈如後世稱龍虎鷹揚始猛邪或言票搖遠舉或纓羽之容票鷁之名亦以能票鷁高飛也以平聲為悠揚李夫人傳武帝賦縹飄姚乎愈莊即飄搖也又郊祀詩雅聲遠姚姚以搖聲通用決無去聲之理故子美恐是

霍嫖姚直用平聲升菴博極援引有功然惜膠於好異見音釋不同者必遷就從之不暇問前人之訛誤矣故驚漢晉之燕石為元珠火齊者猶之奉沈孫之門戶為金科玉律也但古人音讀常存之以證古今自然之轉變勿為所縛乃能會通

講張一作侑張輒張個倡通作周章舟章徧璋周璋侏張書曰無或講張一作侑張一作侏張漢書燕蓋講張晉張華傳輒張跋扈南齊語曰莫輒張付桓康劉琨

詩自傾軫張即周張也太元去首物咸個倡詩曰誰侁
予美注侁張予之所美陳忠傳周章道路蓋侁張個倡
講張侁張實一字符堅報慕容垂書侁章幽顯布毒存
亡魏書恩倖傳侁張不已桓氏傳玄侁張北齊源彪傳
吳賊侁張古周有侁音泰伯後慕歌梧桐萋萋生于道
周宮榭徘徊臺閣既除李興表武侯間以周叶餘可證
其用個為倣儻之倣者則又一轉矣周章微分亦可通
用困學紀聞云大傳引樂曰舟張辟雍鷓鷯相從樂樂

經也舟張周張也文選箋曰日周張于省覽字書有徧
徧蓋詞賦所用增加彳旁耳觀佛三昧經言伽樓羅王
八千歲飢逼周憊求食此與貞白用憊惶同

猶與一作猶豫尢與由與 與去聲本作豫楊敞猶與
無決代王猶豫未定陳湯傳椎破印將卒猶與謂疑也
猶獸名聞有聲則豫上樹猶又作尢後漢書來翁伏隆
傳皆用尢豫未決尢亦音淫高誘注呂覽作由與老氏
用猶兮與兮淮南猶猶與與俱以二字分用河東賦三

軍窮尢闕與亦分尢與二字間用之注尢行也闕止也
音於庶反尢又音遙智謂其分尢與字則尢仍音猶矣
至容與之與上聲長卿用翱翔容與閒適也九歌容與
叶渚淮南子儲與扈治則平聲一作諸與子雲賦儲與
乎大浦聊浪乎宇內服虔曰相羊也引淮南子陰陽諸
與聊浪放浪也與音餘履按高后紀猶與未決鄒誕生
音以獸反

輶軻一作坎珂坳珂

軻平聲輶軻則上聲音同坎珂

踳踳意毛晃曰輻輳車不行輻即輻輳音盧敢切廣韻
垣河從陷省作留者誤

紛紜一作紛云紛員汾云關員亦雀詩六紛員即紛
紜也韻會本作員智按從員又從云重複無義也亦通
作云揚雄傳汾云沸渭唐扶頌碑亦用汾云張衡賦云
云涌濤則云之正義矣紛紜又作紛云郊祀志紛云六
幕浮大海六幕六合也相如傳戚武紛云趙凡夫據說
文作關員

塊軋本爲塊圪 賈誼賦槃物塊軋即塊圪也槃漢書
作播方言曰塊圪不測也招隱士曰塊兮圪山曲岬吳
都賦地勢塊圪甘泉賦塊圪無垠賈生借用軋耳軋之
本義車輓也漢書傳有罪小者軋

偏齋一作闡茸韞茸韞韞 公紹收偏齋字與闡茸通
賈誼傳闡茸尊顯師古曰下材不肖之人或作韞韞齋
從宀宀從人宮中宀食也俗作冗

次且一作趨趨趨趨 易其行次且俱

平聲字書作越越集韻作迭越又作跂跂若越則太贅矣易經考異或作跂跂古文作恣睢王鄭馬皆作越越子厚答問越越批捩

怙恣一作恣滯恣恣處廉尺制切見樂記鄭氏曰敝敗不和貌史記引作恣滯又作恣恣怙又多忝切靜也托協切服也

鬣鬣一作曖睫靄靄鬣鬣挨管雲狀也玉篇曖睫不明貌又作靄靄鬣鬣張有復古編作挨管俗改靄鬣以

說文有能也

掩溢一作掩霽掩夢暗藹奄藹煙藹菴藹 郊祀歌露
夜零晝掩溢即掩藹之轉也或作掩霽諸家詩作奄藹
煙藹甘泉賦儂暗藹兮降清壇相如賦掩夢必第則言
草卉之芳蔚滄鬱也晉左貴嬪作楊后誄本支菴藹香
譜作奄藹

奄忽一作颯颯颯颯颯颯 鳳亭編本載颯颯颯颯以
辛泉作颯颯省作颯也李登聲類曰儂佈之作颯颯猶

奄忽之作颺颺也優佈不明莫如雲奄忽迅速莫如風
因論奄靄附舉于此

嘈襍一作嘈嗒 嘈嗒見博雅此乃當時方言字也丁

度韻作嘈贊贊亦音襍墨莊漫錄曰讀緯書見引張平

子天象賦云河鼓集軍以嘈雜贊贊與讚同丁黃誤引
耳

鏜鞳一作鏜鞳闐闐闐闐 鐘鼓聲也相如賦鏜鞳闐

鞳史記作鏜鏘鏘鏘潘尼釋奠頌鏜鞳闐闐闐音沓集

韻又作鞞闔晉摯虞思遊賦闔翬兮識故居集韻又作
張則神人暢曰鞞乎鼓之亦當音堂矣丁度互引闔闔
二字揚雄賦西馳闔闔即闔闔蓋古人讀昌與堂近

蕭索通作蕭瑟本作蕭索 依說文當作蕭索轉而爲

蕭颯謝靈運騷屑出穴風東京賦飛流蘇之騷殺莊子
知北遊謂衰颯皆此聲之變也郝氏以酸削并合之非
矣

夸毗一作誇眊眊 韻會曰誇眊體柔也唐人所別

製者集韻作駝駝

戚施一作規覲頰頰蹠蹠鼃鼃

集韻頰或作頰

頰韓道昭作頰頰詩戚施注讀爲蹠駝叶鴻則離古離
讀羅施讀駝楊氏引詩疏作頰頰說文引詩得此鼃鼃
卽戚施故薛君章句以戚施爲蟾蜍而升菴遂以鼃鼃
爲戚施誤矣蘇弘家韻輯載鼃鼃注音去秋出說文此
沿升菴鼃鼃之誤而又收字書訛省之字也

依違一作猗違伊違依韋 師丹傳猗違者連歲師古

曰猶依違也又依又違言兩可也郊祀歌五音六律依
韋響昭注不相乖離貌漢書作伊違蓋古卅卅象二體
行步相違也韋即違背之意後人以此為韋華字借義
奪正義故加走作違

栖遲一作棲遲西遲遲迟徯徯 說文犀遲也從尸辛
聲徐曰不進也揚雄賦靈遲迟兮遲音栖迟音遲嚴發
碑西遲即栖遲蘇氏作徯徯

蹢躅一作躑躅散踟躕通作媯媯蹢躅 平原君傳有躑

者嬖散行汲注與蹠跚同韻會引相如賦嬖跚勃屑與武帝跚來遲此音同跚而義則美好恐非一類跚又有音先者則跚跚竟是織織矣仍當音跚龍龕韻有蹠蹠即蹠跚也莊子跚躄而鑒於井正蹠跚字而人讀作輕聲如駢先之音故韻會又以跚音先或作妣又引相如賦便跚嬖屑則六臣本也史記作媯妣徼循郝氏謂與盤桓為一則何異升菴之以翠微為崔巍邪盤桓者嬖跚之重聲激齧也蹠當是古文跚字隸筆取之

盤桓一作磐桓畔桓泮桓般桓伴奐半漢管子泮桓
即盤桓漢張表碑有畔桓利貞之語隸釋引衡方碑作
畔桓智以詩伴奐爾游亦盤桓之聲也依說文義當作
般桓張平子東京賦平樂都塲示遠之觀龍雀蟠蜿天
馬半漢半漢當讀盤桓九經考異失載漢碑云劉向傳
兄弟據重宗族磐互谷永傳百官盤互知磐盤通

陵遲本作交倕通作陵夷說文徐說引史記交倕子
謙引作交倕史記泰山跛羊牧其上交倕故也馮夷一

作馮遲可證

必第一作苾勃馱馱

相如上林賦掩夢必第漢書作

苾勃博雅馱馱香也揚雄傳香芬第以窮隆

旁薄一作旁礴盤礴旁魄

莊子旁礴太玄中首昆侖

天之氣旁礴地之形又賦旁薄羣生相如封禪書旁魄

四塞又畫史解衣盤礴

胘蠻一作胘響翕響胘鄉

說文胘響布也從十從侖

侖者振侖也引甘泉賦胘響豐融又子虛賦胘響布寫

注盛作也漢書本作𦉰蠻太冲蜀都賦景福𦉰蠻之興
作則有鬼神仿佛之意注如蟲羣起而多又郊祀罔不
𦉰飾師古曰𦉰振也玉篇作𦉰響說文曰響知聲蟲也
響子入土爲蠅毛氏曰古響即向羊舌𦉰字叔向是也
𦉰孫恂義し切六臣注引司馬彪曰𦉰過也呂延濟曰
𦉰蠻中天遊氣也論衡曰曉俗以鴻文猶振聾以𦉰蠻
也甘泉賦薌咲𦉰以棍根兮注薌與響音同笛賦紛綸翕

響

蕭條一作蕭條椶條霄霏 張平子碑作蕭條淮南作
霄霏漢隸作椶條呂君碑作蕭條

蕭森一作蕭參掣參箭參櫛參 史記上林紛容蕭參
六臣本作紛溶箭參紛溶猶丰茸也張衡用櫛參此聲
乃蕭疎之轉也考工注鄭司農曰掣讀為紛容掣參之
掣即蕭森

參差一作樛差參蹉參差柴池差池又轉為蹉跎崔隲
之聲 相如賦柴池此虎柴池即參差作差池說文有

慘差參縷篆差之別實一字累加也差池轉為蹉跎古
池佗互從可證也左傳子產曰何敢差池注一音蹉跎
又作蹉跎趙壹曰蹉跎不面蓋失與池轉也又轉為崔
隤一作摧顏漢廣川王傳日崔隤時不再注崔隤猶言
蹉跎

訛虎一作傑僂柴僂訛豸 音此齒相如賦柴池訛虎
又作傑僂總言不齊貌訛僂之聲正因柴池但上二字
平聲下二字上聲故多互用揚雄賦柴僂參差張衡賦

增嬋娟以跣豸京山曰後漢志術氏冠差池邈迤四重
即傑僂

跣蹠一作峙踏遲佇跣踏跣踈轉為躊躇踈躅本作彳
于一作躅躅躅躅躅躅躅躅 說文踈峙踏不進也劉
宋書樂志引五馬立峙踏長箋引詩搔首峙踏升菴引
跣踈富嘉麗色賦用遲佇茅山碑用遲蹠陸士衡詩用
躅躅五臣本作彳于一又作躅躅又有擲躅亦謂其行貌
也易釋文古本躅躅作躅躅一本作擲躅

醕酖一作茗芋茗竹 晉山簡傳作醕酖世說作茗芋
升菴引簡文帝曰劉尹茗竹有實理今本一作茗柯誤
此楊有見而陳氏辨之非

龍鍾一作隴種躑躅隴鍾轉爲籠東瀧凍 荀子曰隴

種而退注遺失貌余以爲即龍鍾字埤蒼作躑躅或作

鍾然古多通用杜弼爲侯景檄梁曰龍鍾稚子王褒與

周弘正書龍鍾橫集裴度曰見我龍鍾元載別妻詩誰

不厭龍鍾退之詩白首誇龍鍾或言老或言淚或訓小

人行總皆狀其潦倒笨累耳指南作儻儻北史宇文泰
戰敗敵兵追及李穆以鞭擊泰罵曰籠東軍士爾主安
在籠東猶隴種說文瀧凍沾漬也兵敗披靡而退如冒
雨衣濕之狀俗謂水濕爲瀧凍又三國吳志周魴誘曹
休書卒奉大畧俗矇狼狽俗音鍾俗矇猶龍鍾也郝京
山以淮南龍從遼巢為一則非矣林氏曰方言瀧涿謂
之霑瀆音籠冢此與說文相證可存姚文燮曰竹曰龍
鍾生羅浮地亦謂其大而笨累也

顛覆一作顛覆通作躡仆顛踣顛匍躡踣 貢禹一旦
躡仆蔡邕釋誨榮顯未副從而顛踣柳宗元詩連蹇困
顛踣魏書裴叔業兄子裴絢傳比因大水躡踣不免梁
書王僧孺辭府箋傾蹙必然顛匍可俟唐李石傳曰晉
君臣夷曠以致顛覆即顛字蓋因揚雄并州牧箴太上
耀德其次耀兵德兵俱顛靡不悴荒公羊爲已慎矣亦
是顛字晉志用慎倒仆覆之通猶負否也仆踣之通猶
負之於背背之於北也

夷猶一作夷由 楚辭君不行兮夷猶廣成頌作夷由
爾雅夷由爲鼪鼠名

優游一作優猶優啣優繇 荀子優猶知足蒼賓戲陸
子優繇楚相碑優游字作優啣柳佩韋賦吉優繇而布
和

怫鬱一作弗鬱弗鬱沸鬱 魏樂府曰中心何怫鬱漢
書瓠子歌魚弗鬱兮柏冬日景十三王贊內弗鬱史記
河渠書作沸鬱

綽約一作蕘約淖約因爲焯約焯鑰
說文本作蕘相

如傳便孌蕘約漢書作綽約揚雄傳競淖約兮荀子淖

約以察說文又有鑰焯鑰也箋曰本作蕘約

悼恍一作嘒嘒 吳曾引陸機文賦曰悼恍欄慢裨蒼

曰嘒嘒寂靜也文士以作事迫促謂之老草智按王子

淵洞簫賦有悼恍瀾漫吳引誤也嘒嘒即悼恍今人作

潦草

屏當一作併當摒擋摒擋 阮孚傳言祖約屏當不盡

去聲劉平水作摒擋吳虎臣言世說為曹夫人併當筐
篋即屏當也冥通記竟夕耕檔字攷叔併當以荀子併
即屏也

齟齬因有鉏鋸鉏鉏岨岨齟齬鉏牙 牀呂魚呂切本
齒相差著也故有三十六齟齬因作鉏鋸專為不相當
之意文賦或岨岨而不安則又因山立義說文本作鉏
鉏考工玉人大琮十有二寸射四寸注射其外鉏牙疏
言其外八角鋒也鉏牙即齟齬古吾與牙聲通都俞古

文字考作鉏鋤

剡移屨屨同 音琰夷門關也百里奚妻琴歌炊屨屨
顏之推曰一作剡移又曰屨與屨通屨與屨通

蓬勃因有鋒埒烽焯燿焯 韻略曰鋒埒煙塵襍起也

俱見集韻廣韻詞賦家用之總言勃鬱蓬起之狀因義
增加蓬勃之聲又轉為旁勃見爾雅疏

鞞鞞膠瀉本于膠葛 膠瀉水廣也孫愐曰鞞鞞戟形

又馳驅貌見子雲賦通用膠葛總言多而廣相紛糾之

狀也指南乃作轉轉不知何據當是膠之誤耳

混沌一作渾敦坤屯困敦侏佻 莊子七日而混沌死

元氣未判貌通鑑盤古氏一曰混敦氏左傳渾敦注即

驩兜張衡靈憲注坤屯不分爾雅子曰困敦韻會作侏

佻

皓盱一作皓泚泚汗浩瀚 史河渠書瓠子歌皓皓盱

盱兮閭殫爲河上林賦采色泚汗梁張纘南征賦觀百

川之浩泚或作浩汗浩瀚

風裁一作風采風彩丰采 後漢李膺傳天下仰其風
裁霍光傳天下想聞其風采南齊王儉謂庾杲之蟬冕
所映更生風采吳志諸葛瑾傳未嘗切愕微見風彩或
作丰采謂丰容華采也升菴嘗言風裁之裁當上聲

憔悴一作蕉萃癯瘁噍殺焦瘁顛顛雙悴 孟子民之

憔悴於虐政吳語人民離落日以憔悴又逸詩無棄蕉
萃索隱引此詩作顛悴後漢應邵傳引作憔悴漢禮樂
志纖微癯瘁之音作而民憂思樂記作噍殺班固答賓

戲朝爲榮華夕而焦瘁唐人詩爲報故人顛顛盡並通
說文專主顛顛履按廣雅作雙悴

汎瀾一作萑蘭汎濫凡蘭 後漢書馮衍賦淚汎瀾而
雨集陸機弔魏武文涕垂睫而汎瀾言流淚縱橫也又
漢息夫躬絕命辭涕泣流兮萑蘭又班固答賓戲汎濫
而測深乎重淵又揚子太玄密首陽氣親天萬物凡蘭
注盛貌

堙鬱一作抑鬱抑窓壹鬱決鬱湮鬱伊鬱 史賈誼傳

獨堙鬱兮其誰語氣不通也漢書作壹鬱文帝紀注奏
請受禪疏大禹必鬱悒于會稽之山何晏景福殿賦感
溽暑之伊鬱岫嶮碑曰禋鬱昏徒左傳湮鬱不育息夫
躬詩元靈決鬱皆此堙鬱音義也升菴引有抑窳

忼慨一作慷慨忼愾感概感槩 史袁盎傳引大體忼

慨項羽本紀悲歌忼慨高帝紀慷慨傷懷後漢齊武王
演傳剛毅慷慨魏武帝樂府慨當以慷晉陸機議論忼
愾史李布傳贊婢妾賤人感慨而自殺漢書游俠郭解

傳少時陰賊感槩後漢范滂傳論奮迅感槩

豈弟今用愷悌其用闔圍者別一義也 豈本豈歌之

鼓借為豈悌後豈歌作凱而豈字為虛助矣齊子豈弟

箋豈弟作闔圍古文尚書以弟為圍圍明也疏曰古文

尚書即今鄭注者也無以弟為圍之字惟洪範稽疑論

卜兆有五曰圍注云圍者色澤光明蓋古文作悌今文

作圍賈逵以今文校之定以為圍故鄭依賈氏所奏智

按今尚書洪範七稽疑曰驛言絡驛不續其兆為金鄭

窳所云闔園亦云與齊子發夕同意言絡繹也今將以
闔園爲豈弟之奇文乎按凱風和樂也凱澤亦和意或
作闔澤史司馬相如傳昆蟲凱澤漢書作闔澤晉紀瞻
傳六合闔拓則是開拓音相轉借也

凌轆一作陵轆鞞轆躡轆凌獵通爲陵厲較藉 史灌

夫傳凌轆宗室謂虐害也漢書又有謂陵轆邊吏後漢
朱浮傳陵轆同列上林賦車徒之所鞞轆漢書作躡轆
爾雅獵虐也注凌獵暴虐即凌轆李白詩獨鶴思凌厲

後漢廉范傳曰自相較藉

從容一作縱史將養慙慙從勇從諛 禮從容中道史

衡山王傳日夜從容王密謀反事漢書作縱史又衡山

王有逆計日夜從容勸之漢書作日夜將養勸之注獎

勸也方言南楚凡已不欲喜怒而旁人說者謂之慙慙

漢書郊祀歌般從從旌容容注如人相從勇作惡之從

勇漢酷吏傳贊杜周從諛並與從容同矣

嘔喁本于吁俞之聲一作姁媮响愉煦媮响愉轉為愉

响噢休噢休 韓退之連理木頌奮垓姁媮注與吁俞
同京山謂即吁俞郭璞曰怵愉猶响愉也晉書夏侯湛
傳逐巧點妍嘔喁辯佞嘔喁即姁媮子美賦小人响愉
記曰煦嫗覆育戴氏謂與漢書愉愉响响同又借用休
左傳或噢休之因作噢休今問奇讀嫗許謂噢休非蓋
不知本吁俞之聲而因有出氣噓育之義故轉音爲嫗
許亦可轉音育休亦可

閃揄一作陝輸 東漢趙壹疾邪賦榮納由於閃揄注

揄音抒曹大家女箴動靜輕脫視聽陟輸與閃揄同皆
輕脫意猶閃爍吳志丁宏揆張揆與閃同亦謂其閃灼
張設也

專一一作搏壹搏一搏揖 孟子志壹則動氣注志之
所向專一則氣為之動左傳如琴瑟之搏壹史秦始皇
琅邪臺頌普天之下搏心揖志與專一同注以爲輯志
輯揖自通然此是專一按管子內業篇一意搏心耳目
不淫雖遠若近韓愈鄆州堂記搏心一力以借國家之

職此可爲連稱分用之證

排筴即排迤轉作迫喏迫筴迫堦迫迤迫感偏側逼窄
湍澗 迤迤起也南史江革傳迤輕艚壓也唐李商隱
詭薄共排筴之與排迤同考工注司農云柞讀為迫喏
之喏康成前注云迫筴則迫喏迫柞皆迫迤也後漢竇
融傳囂勢排迤不得進退注迫感也王莽傳迫措青徐
盜賊注措讀窄唐李逢吉傳裴度為逢吉排迤唐元結
春陵行祇有迫感期韓愈秋雨聯句蒼穴何迫迤杜詩

偏側何偏側注引賦濞節即偏側

隱賑一作隱展殷陳殷軫淮南子士卒殷軫南都賦

邑居隱賑注富盛貌西京賦商旅聯榻隱隱展展注重
載聲與呂覽轉啟合詳見重言京山又引李斯逐客書
民以殷盛與此為一

侵尋一作浸尋寢尋浸淫浸潭浸潏武帝紀天子始

巡郡縣侵尋于泰山封禪書作浸尋郊祀志作寢尋上
林賦浸淫促節漢書齊王肥傳浸淫聞于上又作浸潭

與潯同劇秦美新景曜浸潭之瑞潛史難蜀文浸潯衍
溢

辜較一作酤權辜權估較辜權轉為權酤 史鄭莊傳
為大司農儻人多逋負注儻人辜較也索隱辜較作酤
權權獨也酤賣也又後漢宦者單超傳姻親為州郡辜
較百姓與盜賊無異董皇后紀辜較在所珍寶貨賂悉
入西省又陳萬年傳浸入辜權財物注辜罪也權專也
翟方進傳貴戚子弟多辜權為姦利者注已自專利他

人取者輒有辜罪也此隨字作訓耳後漢靈帝光和四年豪右辜權馬一匹注辜障也權專也障餘人買賣而自利也又作估較晉書南蠻傳徼外諸國齎寶物自海路貿貨日南太守估較大半又作辜權王莽傳滑吏姦民辜而權之權與權同按漢武帝始爲權酤之法權較通算也官自酤酒計較專利也私酤者有罪故後轉爲辜較凡官稅民間一例科斂者皆謂辜較一切之名孝經蓋天子之孝蓋諸侯之孝注蓋猶畧也疏云辜較之

辭猶梗槩云爾

料簡一作聊揀料檢 張湛列子序且將料簡世所希

有魏志趙儼傳料簡諸姦結叛者八百餘人裴潛傳奏
正分職料簡名實韓愈和侯喜詠笋詩婦懦咨料揀晉
書周顛傳王導料檢中書故事蓋古讀料字平聲

艱隄一作臬兀契則踞危峴岬捏杌柅柅倪仞轉作杌
捏契舐帶嶮帶電硯硯 易困于艱隄言高而危也杜

甫太清宮賦神器臬兀而小人响喻文選長笛賦巔根

跼之繫則即臬兀韓非子外儲說子臬仕衛逃出門跼
危引之逃于門下室中注跼者行步危也又李白梁甫
吟大人峴岬當安之或作捏抃又作机桎太元闕首園
分机柅京山曰又作端嶮杜甫御榻在端嶮韓退之豐
陵行端嶮遂走元宮閭注山小而不進貌又作端霓文
選直端霓以高居端音迭說文繫趾不安也引易曰執
趾又杜詩瘦馬行骨骼砒兀如堵牆注引郭璞江賦巨
石砒兀以前却皆危意蓋臬兀之聲也智按易劓刖古

作瓶甑一作倪仇晁作視杙王荀陸作跪甑鄭作倪仇
則視杙倪仇確是臬兀

累垸一作累丸 列子痾僂者纍垸五而不墜猶掇之
也與累丸同淮南時則訓圓而不垸即丸也考工重三
垸亦以其丸之重為權也

功苦一作攻苦功沽 國語辨其功苦功與攻同堅也
詩我車既攻精專曰攻粗惡曰苦周禮注有攻有沽又
史舜陶于河濱器不苦窳亦作楛通作沽儀禮喪服傳

冠者沽功也注猶麤也論語沽酒惡酒也古讀假為沽如純嘏與土字叶家之為姑皆其聲也今京師言行濫物曰假沽猶以二字連稱

毳毼一作毳毼陪總 文選敷藻翰之陪總注奮怒貌公紹作毳毼丁度作毳毼羽張也又有毳毼鳳舞也音義同

幼眇一作要妙杳眇杳杪 漢元帝贊分剝節度窮極幼眇中山靖王傳每聞幼眇之聲不知涕泣之橫集注

作要妙老子是爲要妙北史魏世祖紀大延二年詔方寸玉印有三字鳥文要妙奇巧上林賦俛杳眇而無見晉衛恒四體書勢序杳杪邪趣不方不圓智按說文無妙字而有紗絲急也後人遂作妙字而妙見於易凡夫欲借杪爲妙想取之衛恒爾

落魄一作落泊洛度落度樂託拓落託落 史酈食其傳家貧落魄陳書杜稜少落泊不爲當世所知晉佛圖澄傳鈴聲云胡子洛度又大安童謠元超兄弟大落度

上桑打椹為荀作注東海王超字元超荀謂荀晞蜀志
楊儀傳往者丞相亡吾舉兵就魏氏寧當落度如此邪
世說王著之樂託出自門風又揚雄傳何為官之拓落
又晉慕容暉傳孤危託落

盱瞑一作盱眠盱綿 南都賦青冥盱瞑注幽昧貌陸
機賦精麗芊眠又作盱綿

條暢一作條鬯條昶 漢志條鬯該成長笛賦清和條
昶即條暢也魏王昶字文舒可知取舒暢之意也

離婁轉爲麗廡 說文廡屋麗廡也廣韻作麗廡皆平
聲離婁言其透明也郝氏曰古之至明者因以爲名轉
爲歷錄余以歷錄尚遠若麗廡則實因離婁也說文眴
莫浮切眴婁微視也讀若眸婁以此益證離婁爲至明
古有此語或稱離朱山海經作離俞音近相借如春秋
邾婁爲鄒可推

勗勗一作狂攘逞躔狂勗 楚辭逢此世之勗勗一作
狂攘一作逞躔注狂遽貌韻會勗勗急遽貌故子謙合

之韓詩渾奔肆狂囊

搶攘一作倉囊斂數戕囊戕戕 莊子在宥篇卷鬻倉

囊注猶搶攘也賈誼傳國制搶攘唐武則天贊斂數神

器韻會引為斂數字彙引為瓠瓢子謙引作斂數皆誤

斂數即搶攘不知何所出豈宋公自為邪師古讀搶攘

爲倉儻升菴引說文戕戕宜從之又崔本莊子作戕囊

六書故別作勦躔躔

諒陰一作諒闇諒齧諒瘡 高宗諒闇語作諒陰鄭氏


讀如鶴長箋于瘖字訓下引書作諒齶又引作諒瘖

旁羅一作旁蠡歷離 史記旁羅日月星辰考靈曜作

旁蠡升菴曰羅猶地羅也晦伯引大戴禮作歷離

倍遊即陪遊 易林都邑倍遊即陪字爾雅注陪位爲

朝魯語士有陪乘故後人用爲趨陪常語



通雅卷六